

Willemstad, 27 di sèptèmber 2011

Pa: Ministerio Públiko

Na: Prokurador General,

Mr. D. Piar.

Wilhelmina plein 4.

Topiko: Investigashon.

Apresiabel Señor,

Pa medio di esaki firmante, Helmin Magno Wiels, nasé na Kòrsou 9 di desèmber 1958, ID. Nr. 58120917, bibá na Cadzandstraat nr. 1 i miembro di parlamento di Curaçao, ta aserkábo pa lo siguiente :

Na rais di informashonnan persistente den medionan di komunikashon soshal relashoná ku posibel aktonan enpugna ku nos leinan penal di parti di funshonarionan haltu den **BANKO SENTRAL DI CURAÇAO I St. MAARTEN**, firmante a hasi investigashon i a konstatá lo siguiente:

Basa riba dokumentashon i informashonnan optené, por konstatá algun echo iregular:

1: Riba 3 di yùni 2009 un suma di **USD. 400,161.45** ta keda transferi for di kuenta di **CURAÇAO FASHION GROUP N.V.** riba kuenta di **ET PENSIOENEN** ku ta e fondo di penshun ku ta manehá penshun i propiedat di e **PRESIDENTE DI BANKO SENTRAL DI CURAÇAO I ST. MAARTEN, SR. EMSLEY DIONISIO TROMP.**

2: **Tesorero** di **ET PENSIOENEN** tabata den e periodo ei **SR. ALBERT RUTGER PALM**, ku tabata na e momento ei **PRESIDENTE KOMISARIO** di **BANKO SENTRAL DI ANTIA HULANDES.**

3: E gerente direktor di **CURAÇAO FASHION GROUP N.V.** ku a hasi e transakshon riba kuenta di **ET PENSIOENEN** tabata na e momento ei **SR. RENE RAOUL LOURENTS**, ku den bida diario ta okupá e funshon di **DIREKTOR** di **BANKO SENTRAL DI ANTIA HULANDES.**



4: **CURAÇÃO FASHION GROUP** a risibí un fianza di **NAFL. 3.000.000,- (TRES MION FLORIN)** di **BANKO DI CARIBE N.V.** ku ta un instansha bankario ku ya tabata den diskushon na aña 2007 pa motibu di iregularidatnan tantu den e kompra, komo traspaso ku a tuma lugá i e papel dudoso ku figuranan den i rondó di banko sentral di **ANTIA HULANDES** a hunga den esaki, den e kaso aki, e **PRESIDENTE KOMISARIO, RALPH ALBERT RUTGER PALM, ALAVES DIREKTOR DI KPMG**, a protagonisá, komo negoshadó/ intermediario den kompra i benta di **BANKO DI CARIBE N.V.** Tin indikashon ku e fianza aki di **TRES MION FLORIN** a tuma lugá sin e garantianan (collateral) ku normalmente instansianan finansiero ta eksigi.

5: E funshonario haltu di **BANKO SENTRAL DI CURAÇÃO I ST.MAARTEN, SR. RENE RAOUL LOURENTS** ku den su funshon di gerente direktor di **CURAÇÃO FASHION GROUP N.V.** ta hasi un transakshon di **USD. 400,161.45,-** riba kuenta di **ET PENSIOENEN BANKO SENTRAL DI CURAÇÃO I ST.MAARTEN TA SUPORDINADO(ONDERGESCHIKTE) DI EMSLEY DIONISIO TROMP.**

Konstatando e puntonan ariba mensioná, e sekuensha di eventonan i tambe e echo ku despues di kambionan estatal, tantu e funshonarionan ku nan respektivo responsabilidatnan a sigui den **BANKO SENTRAL DI CURAÇÃO I ST.MAARTEN**, firmante ta aserkábo persona, komo **HEFE DI MINISTERIO PUBLIKO PA INVESTIGÁ SI TIN VIOLASHON DI ARTÍKULONAN 378, 379 i 381 DI NOS KÓDIGO PENAL (WETBOEK VAN STRAFRECHT).**

Análisis ta duna indikashon di violashon di artíkulonnan ariba mensioná i mas ainda ora konstatá ku ta funshonarionan altu di un di nos institushonnan di mas altu den pais i sigur kaminda integridat di su funshonarionan ta esensial pa e **KONFIANSA** ku e instituto mester iradiá.

Firmante su deber i obligashon ta pa vigilá i kuida prinsipionan di bon gobernashon i pa e motibu aki nos ta konsiente ku mas e notisianan negativo sigui rondó di **BANKO SENTRAL DI CURAÇÃO I ST.MAARTEN**, mas daño esaki lo hasi na e instituto, su funshonarionan i pais.

Por lo tantu, un investigashon rápido i minusioso lo ta deseabel.

Atentamente,


Helmin Magno Wiels.
Miembro di parlamento di Curaçao.
Tel: 510-5018, 522-5565.

